

Հավելված
ՀՀ կառավարության 2018 թվականի
ապրիլի 12-ի N 443 -Ն որոշման

«Հավելված N 1
ՀՀ կառավարության 2014 թվականի
ապրիլի 23-ի N 460-Ն որոշման

ԿԱՐԳ

ՆԱԽԿԻՆ ԽՍՀՄ ԽՆԱՅԲԱՆԿԻ ՀԻՍՀ ՀԱՆՐԱՊԵՏԱԿԱՆ ԲԱՆԿՈՒՄ
ՄԻՆՉԵՎ 1993 ԹՎԱԿԱՆԻ ՀՈՒՆԻՍԻ 10-Ը ՆԵՐԴՐՎԱԾ ԴՐԱՄԱԿԱՆ
ԱՎԱՆԴՆԵՐԻ ԴԻՄԱՑ ՓՈԽՀԱՏՈՒՑՈՒՄԱՆ ՏՐԱՄԱԴՐՄԱՆ

I. ՆԱԽԿԻՆ ԽՍՀՄ ԽՆԱՅԲԱՆԿԻ ՀԻՍՀ ՀԱՆՐԱՊԵՏԱԿԱՆ ԲԱՆԿՈՒՄ
ՄԻՆՉԵՎ 1993 ԹՎԱԿԱՆԻ ՀՈՒՆԻՍԻ 10-Ը ՆԵՐԴՐՎԱԾ ԴՐԱՄԱԿԱՆ
ԱՎԱՆԴՆԵՐԻ ԴԻՄԱՑ ՓՈԽՀԱՏՈՒՑՈՒՄԱՆ ՏՐԱՄԱԴՐՄԱՆ
ՈՒՆԵՑՈՂ ԱՆՁԱՆՑ ՀԱՇՎԱՌՈՒՄԸ

1. Նախկին ԽՍՀՄ խնայրանկի ՀԻՍՀ հանրապետական բանկում մինչև 1993 թվականի հունիսի 10-ը ներդրված դրամական ավանդների դիմաց փոխհատուցում (այսուհետ՝ փոխհատուցում) ստանալու իրավունք ունեն նախկին ԽՍՀՄ խնայրանկի ՀԻՍՀ հանրապետական բանկում մինչև 1993 թվականի հունիսի 10-ը ներառյալ խորհրդային ոռորով դրամական ավանդ ներդրած հետևյալ անձինք՝

1) մինչև 1932 թվականի դեկտեմբերի 31-ը ներառյալ ծնված անձինք (այսուհետ նաև՝ տարեց), այդ թվում՝ եթե ավանդը ներդրվել է մահացած ամուսնու կողմից՝ համատեղ ամուսնական կյանքի ընթացքում.

2) Հայաստանի Հանրապետության պաշտպանության մարտական գործողությունների մասնակից անձինք, այդ թվում՝ եթե ավանդը ներդրվել է մահացած ամուսնու կողմից՝ համատեղ ամուսնական կյանքի ընթացքում.

3) Հայաստանի Հանրապետության կառավարության 2014 թվականի դեկտեմբերի 18-ի N 1444-Ն որոշման N 1 հավելվածի ցանկում ընդգրկված համայնքներում բնակչության պետական ռեգիստրում 2014 թվականի օգոստոսի 1-ի դրությամբ հաշվառված (այսուհետ՝ սահմանամերձ համայնքներում հաշվառված) անձինք, այդ թվում եթե ավանդը ներդրվել է մահացած ամուսնու կողմից՝ համատեղ ամուսնական կյանքի ընթացքում.

4) Հայաստանի Հանրապետության պաշտպանության մարտական գործողություններին մասնակցելու կամ մարտական հերթապահություն կամ հատուկ առաջադրանք կատարելու ժամանակ զոհված (մահացած) զինծառայողների կամ կամավորականների կամ անհայտ կորածների անունով ներդրված ավանդը ժառանգած անձինք (այսուհետ՝ զոհվածի ժառանգ):

2. Եթե սույն կարգի 1-ին կետի 1-ին, 2-րդ և 3-րդ ենթակետերով նախատեսված անձի ամուսինը մահացած է և մահացած ամուսնու անունով ներդրված ավանդը ներդրվել է նրանց համատեղ ամուսնական կյանքի ընթացքում, ապա այն դիտարկելով ավանդի նկատմամբ մահացածի հետ ընդհանուր համատեղ սեփականություն, ողջ ամուսնու համար փոխհատուցման իրավունքը ճանաչվում է մահացած ամուսնու ավանդի 50 տոկոսի դիմաց:

3. Սույն կարգի 1-ին կետի 1-ին, 2-րդ, 3-րդ և 4-րդ ենթակետերով նախատեսված անձանց (այսուհետ՝ ավանդատուներ) հաշվառման, ինչպես նաև փոխհատուցման վճարման կազմակերպման աշխատանքներն իրականացնում են սոցիալական աջակցության տարածքային գործակալությունները կամ բաժինները (այսուհետ՝ տարածքային կենտրոն):

4. Փոխհատուցում ստանալու համար ավանդատուն հաշվառման նպատակով իր բնակության վայրի տարածքային կենտրոն անձամբ կամ օրինական ներկայացուցչի կամ լիազորագրի հիման վրա գործող ներկայացուցչի միջոցով ներկայացնում է դիմում՝ համաձայն Հայաստանի Հանրապետության կառավարության 2014 թվականի ապրիլի 23-ի N 460-Ն որոշման N 2 հավելվածի, և հետևյալ փաստաթղթերը՝

- 1) անձը հաստատող փաստաթուղթ կամ նոյնականացման քարտ.
- 2) ավանդատուի հանրային ծառայությունների համարանիշը կամ սոցիալական ապահովության քարտը կամ տեղեկանք հանրային ծառայությունների համարանիշը չունենալու մասին (այսուհետ՝ հանրային ծառայությունների համարանիշ).
- 3) ավանդատուի խնայողական գրքոյկը (դրա առկայության դեպքում), ինչպես նաև դրա լուսապատճենը՝ գրքոյկի առաջին էջի (ներառում է մասնաճյուղի համարը, բաժանմունքի գտնվելու վայրը (քաղաք, շրջան, գյուղ), հաշվեհամարը, ավանդատուի անունը, ազգանունը, հայրանունը, մասնաճյուղի կոդը և պաշտոնատար անձի ստորագրությունը) և 1993 թվականի հունիսի 10-ի դրությամբ մնացորդի էջերի մասով.
- 4) տեղեկանք «ՎՏԲ-Հայաստան» փակ բաժնետիրական ընկերությունից (ավանդային հաշիվն սպասարկող մասնաճյուղի կառավարչի կողմից ստորագրված և մասնաճյուղի կոդը կոնֆիդենցիալ պահպանության մասին հաշվի քարտում 1993 թվականի հունիսի 10-ի դրությամբ առկա տվյալների մասին.
- 5) ըստ անհրաժեշտության, ներկայացվում է՝
 - ա. ամուսնության վկայական կամ տեղեկանք քաղաքացիական կացության ակտերի գրանցման բաժնից՝ ամուսնության գրանցման մասին, եթե դիմողը ներկայացնում է ավանդատուի մահացած ամուսնուն պատկանող խնայողական գրքոյկը, ինչպես նաև՝ ամուսնու մահվան վկայականը, դրանց լուսապատճենները,
 - բ. ավանդատուի անունը և (կամ) ազգանունը փոխելու մասին քաղաքացիական կացության ակտերի գրանցման կենտրոնի տված փոխման վկայականը, եթե անձնագրում և խնայողական գրքոյկում նշված անունը, ազգանունը տարբեր են, իսկ ուղղելու դեպքում ուղղման տեղեկանքը և դրանց լուսապատճենները,
 - գ. Հայաստանի պաշտպանության մարտական գործողությունների մասնակցի վկայականը և դրա լուսապատճենը,

դ. նոտարի կողմից տրամադրված՝ զոհվածի անունով մինչև 1993 թվականի հունիսի 10-ը ներդրված ավանդի ժառանգության իրավունքի վկայագիր, Հայաստանի Հանրապետության պաշտպանության նախարարության կողմից տրված՝ զոհվածի (մահացածի) կարգավիճակը հաստատող տեղեկանք, զոհվածի մահվան վկայական և դրանց լուսապատճենները.

6) համալիր սոցիալական ծառայությունների տարածքային կենտրոններում տեղակայված տարածքային կենտրոնների դեպքում ներկայացված փաստաթղթերը տեսաներածվում են և լուսապատճեններ չեն պահանջվում:

5. Յուրաքանչյուր ավանդային գրքույկի համար ներկայացվում է առանձին դիմում: Եթե ավանդային գրքույկը լրացված է ոռուերենով, և ավանդատուի ազգանունը կամ անունը ոռուերենով տառացի չի համընկնում անձը հաստատող փաստաթղթում նշված հայերենին, սակայն բառով ակնհայտ նույնն է, ապա համարվում է, որ դիմողը հաշվետերն է և տեղեկատվական բազայում մուտքագրվում է ազգանունը, անունը, ինչպես անձնագրում (օրինակ՝ Կազարյան-Ղազարյան, Այկ, Գայկ-Հայկ):

6. Տարածքային կենտրոնը դիմումների հաշվառման գործընթացում իրականացնում է հետևյալ գործառույթները՝

1) տրամադրում է խորհրդատվություն փոխհատուցում ստանալու համար՝ սույն կարգով սահմանված բողոքարկման, դիմումի ձևի լրացման պարզաբանման, անհրաժեշտ փաստաթղթերի ցանկի կապակցությամբ, տարածքային կենտրոնում կամ տարածքային կենտրոնի ղեկավարի հանձնարարությամբ կատարված տնային այցելության ընթացքում, եթե ավանդատուն որևէ պատճառով չի կարող ներկայանալ տարածքային կենտրոն և գրավոր կամ հեռախոսով խնդրել է կազմակերպել տնային այցելություն (ներառյալ այցելությունը բուժման վայր):

2) ընդունում է դիմումները, համեմատում դիմումում նշված տվյալները դիմողի անձը հաստատող փաստաթղթի, հանրային ծառայությունների համարանիշի, խնայողական գրքոյիկի և «ՎՏԲ-Հայաստան» փակ բաժնետիրական ընկերության կողմից տրամադրված տեղեկանքի տվյալների հետ.

3) դիմումում նշված անձը հաստատող փաստաթղթի տվյալները համեմատում է բնակչության պետական ռեգիստրի տեղեկատվական բազայի տվյալների հետ, դրանց անհամապատասխանության դեպքում դիմողին տրամադրում է խորհրդատվություն Հայաստանի Հանրապետության օրենսդրությամբ սահմանված՝ բնակչության պետական ռեգիստրում հաշվառման կարգի մասին կամ դիմումը վերահսկեագրում է համապատասխան տարածքային կենտրոն.

4) տրամադրում է խորհրդատվություն սույն կետի 2-րդ և 3-րդ ենթակետերով նախատեսված գործառույթների իրականացման արդյունքում անհամապատասխանության հայտնաբերման դեպքում՝ դրանք ուղղելու վերաբերյալ.

5) ճշտում է ավանդատուի, Հայաստանի Հանրապետության կառավարության 2006 թվականի մարտի 16-ի N 352-Ն, 2010 թվականի մայիսի 6-ի N 510-Ն, 2013 թվականի սեպտեմբերի 28-ի N 1103-Ն և 2014 թվականի ապրիլի 23-ի N 460-Ն որոշումներով (այսուհետ՝ որոշումներ) սահմանված կարգերով՝ ներդրված ավանդի դիմաց փոխհատուցում ստացած լինելու հանգամանքը.

6) հաշվառում է ընդունված դիմումները՝ դիմումների հաշվառման գրանցամատյանում, կազմում է փոխհատուցման գործերը և տեղադրում դրանք առանձին թղթապանակում ըստ դիմում ընդունողների.

7) հաշվառման մերժման դեպքում ընդունում է համապատասխան որոշում և գրավոր իրագելում դիմողին՝ 15 օրվա ընթացքում, իսկ լրացուցիչ ուսումնասիրություններ անցկացնելու անհրաժեշտության դեպքում՝ 30 օրվա ընթացքում.

8) ներառում է դիմումներում և ներկայացված այլ փաստաթղթերում առկա տվյալները փոխհատուցման իրավունք ունեցող անձանց տվյալների տեղեկատվական բազա (այսուհետ՝ տեղեկատվական բազա)՝ մեկ աշխատանքային օրվա ընթացքում:

7. Տվյալների հաշվառումը ենթակա է գրավոր մերժման, եթե՝

- 1) դիմողը չի ներկայացրել սույն կարգով պահանջվող բոլոր փաստաթղթերը (տվյալները).
- 2) դիմողը չի հանդիսանում խնայողական գրքոյելում նշված ավանդային հաշվետերը, նրա ամուսինը, ժառանգը կամ նրա ներկայացուցիչը չունի լիազորագիր.

3) ավանդատուն մահացել է.

- 4) խնայողական գրքոյելու տրված է նախկին ԽՍՀՄ այլ միութենական հանրապետության խնայրանկի կողմից.
- 5) ավանդը ներդրվել է 1993 թվականի հունիսի 10-ից հետո.
- 6) ավանդատուն որոշումների համաձայն ստացել է ներդրված ավանդի դիմաց նախատեսված փոխհատուցումը:

8. Համաձայն որոշումների՝ ներդրված ավանդի դիմաց նախատեսված փոխհատուցումն ստացած ավանդատուի տվյալները ենթակա են հաշվառման՝ նրա ներկայացրած այն ավանդային գրքոյելու մասով (ներառյալ մահացած ամուսնուն պատկանող ավանդի 50 տոկոսը), որոնք ավանդատուն որոշումներով սահմանված կարգերով և ժամկետներում չի ներկայացրել հաշվառման, ինչպես նաև որոշումների համաձայն փոխհատուցման իրավունքը ճանաչված, ապա մահացած (մահվամբ փոխհատուցման իրավունքը դադարած) ամուսնու ավանդային գրքոյելու (ավանդի 50 տոկոսի չափով):

9. Դիմողին հաշվառելու դեպքում դիմում ընդունող աշխատողը դիմումի վրա նշում է հաշվառման օրը և ստորագրում, որից հետո փաստաթղթերի բնօրինակները

(բացառությամբ «ՎՏԲ-Հայաստան» փակ բաժնետիրական ընկերության կողմից տրամադրված տեղեկանքի) վերադարձվում են դիմողին:

10. Տարածքային կենտրոնը տվյալ ամսվա ընթացքում ձևավորված տեղեկատվական բազան մինչև տվյալ ամսվան հաջորդող ամսվա 8-ր առցանց եղանակով ներկայացնում է կենտրոնական տեղեկատվական բազան շահագործող կազմակերպություն (այսուհետ՝ կազմակերպություն):

II. ՀԱՇՎԱՌՄԱՆ ՏՎՅԱԼՆԵՐԻ ՃԵՏՈՒՄԸ ԵՎ ՃԵՏՎԱԾ ՑՈՒՑԱԿԻ ԿԱԶՄՈՒՄԸ

11. Կազմակերպությունը տարածքային կենտրոններից առցանց ստացած տեղեկատվությունն ամփոփում և ներառում է կենտրոնական տեղեկատվական բազա, պարզում տվյալների մուտքագրման տեխնիկական սխալների առկայությունը, որոնց հիման վրա կազմում է ավանդատուների ճշտված ցուցակը և վիճակարույց տվյալներով ավանդատուների ցուցակը:

12. Վիճակարույց տվյալներով ավանդատուների ցուցակը տրամադրվում է տարածքային կենտրոններին՝ համապատասխան ուղղումներ կատարելու և մինչև հաջորդ ամսվա 8-ը կազմակերպությանը վերադարձնելու համար:

13. Ճշտված ցուցակում ներառված ավանդատուի տվյալներում հաշվառվում է նաև նրա մահացած ամուսնու անվամբ ներկայացված գումարի 50 տոկոսը:

14. Կազմակերպությունը ճշտված ցուցակում ավանդատուի հաշվառման հերթական համարը որոշում է դիմումի օրվա դրությամբ՝ ըստ նշված առաջնահերթությունների՝

1) տարեցների համար՝ ըստ տարիքի (ծննդյան օրը, ամիսը, տարեթիվը՝ նվազման հաջորդականությամբ).

2) Հայաստանի Հանրապետության պաշտպանության մարտական գործողությունների մասնակից անձանց համար՝ ըստ հաշմանդամության առկայության՝

ա. 1-ին խմբի հաշմանդամություն,

բ. 2-րդ խմբի հաշմանդամություն,

գ. 3-րդ խմբի հաշմանդամություն,

դ. հաշմանդամություն չունեցող անձ.

3) սահմանամերձ համայնքներում հաշվառված անձանց համար՝ ըստ տարիքի (ծննդյան օրը, ամիսը, տարեթիվը՝ նվազման հաջորդականությամբ և ըստ հաշմանդամության առկայության՝

ա. 1-ին խմբի հաշմանդամություն,

բ. 2-րդ խմբի հաշմանդամություն,

գ. 3-րդ խմբի հաշմանդամություն,

դ. հաշմանդամություն չունեցող անձ.

4) զոհվածների ժառանգների համար՝ ըստ տարիքի (ծննդյան օրը, ամիսը, տարեթիվը՝ նվազման հաջորդականությամբ և ըստ հաշմանդամության առկայության՝

ա. 1-ին խմբի հաշմանդամություն,

բ. 2-րդ խմբի հաշմանդամություն,

գ. 3-րդ խմբի հաշմանդամություն,

դ. հաշմանդամություն չունեցող անձ:

15. Ցուցակներում ներառվում է «Հայաստանի Հանրապետության 2006 թվականի պետական բյուջեի մասին» Հայաստանի Հանրապետության օրենքի N 8 հավելվածի 4-րդ կետի համաձայն հաշվարկված՝ յուրաքանչյուր ավանդատուին հասանելիք փոխհատուցման գումարի չափը՝ հիմք ընդունելով «ՎՏԲՀայաստան» փակ բաժնետիրական ընկերության կողմից տրամադրված տեղեկանքում նշված՝ ավանդատուի բանկային հաշվի քարտում 1993 թվականի հունիսի 10-ի դրությամբ առկա գումարի չափը:

16. Ավանդատուին հասանելիք փոխհատուցման գումարի չափը հաշվարկելիս ավանդատուի՝ մեկից ավելի ավանդների (ներառյալ մահացած ամուսուն պատկանող ավանդի 50 տոկոսը) մնացորդները գումարվում են և անձին հասանելիք փոխհատուցումը հաշվարկվում է ընդհանուր գումարի նկատմամբ՝ բացառությամբ սույն կարգի 8-րդ կետով նախատեսված դեպքի:

17. Սույն կարգի 8-րդ կետով նախատեսված դեպքում ավանդատուին հասանելիք փոխհատուցման գումարի չափը հաշվարկելիս ավանդատուի՝ մեկից ավելի ավանդների (ներառյալ մահացած ամուսուն պատկանող ավանդի 50 տոկոսը) մնացորդներին գումարվում են նաև որոշումներով սահմանված կարգով հաշվառած ավանդների մնացորդները (ներառյալ մահացած ամուսուն պատկանող ավանդի 50 տոկոսը) և անձին հասանելիք փոխհատուցումը հաշվարկվում է ընդհանուր գումարի նկատմամբ հաշվարկված փոխհատուցման գումարից՝ հանելով արդեն իսկ ստացած փոխհատուցման գումարը:

18. Կազմակերպությունը ճշտված ցուցակը տրամադրում է տարածքային կենտրոնին, որի հիման վրա, ցուցակն ստանալուց հետո հինգ աշխատանքային օրվա ընթացքում, տարածքային կենտրոնը կազմում է ավանդատուի փոխհատուցման իրավունքի ճանաչման կարգադրություն՝ համաձայն N 1 ձևի, որը հաստատվում է տարածքային կենտրոնի դեկավարի կողմից:

III. ՓՈԽՀԱՏՈՒՑՄԱՆ ԳՈՒՅՔԱՅԻՆ ԻՐԱՎՈՒՆՔԻ ԾԱԳՈՒՄԸ ԵՎ ԴԱԴԱՐՄԱՆ ՊԱՅՄԱՆՆԵՐԸ

19. Ճշտված ցուցակում ընդգրկված ավանդատուի՝ Հայաստանի Հանրապետության նկատմամբ փոխհատուցում ստանալու գույքային իրավունքը համարվում է ծագած՝ սույն կարգի համաձայն տարածքային կենտրոնների դեկավարների կողմից ավանդատուի փոխհատուցման իրավունքի ճանաչման կարգադրությունը հաստատվելու օրվանից:

20. Հաշվի առնելով, որ ավանդատուի փոխհատուցում ստանալու պահանջի իրավունքը համարվում է անձի հետ անխզելիորեն կապված իրավունք, այն չի կարող անցնել այլ անձի (Հայաստանի Հանրապետության քաղաքացիական օրենսգրքի 398-րդ հոդված), լինել գրավի առարկա (Հայաստանի Հանրապետության քաղաքացիական օրենսգրքի 230-րդ հոդվածի առաջին մաս), մտնել ժառանգության գանգվածի մեջ (Հայաստանի Հանրապետության քաղաքացիական օրենսգրքի 1186-րդ հոդվածի երկրորդ մաս):

21. Փոխհատուցում ստանալու գույքային իրավունքով Հայաստանի Հանրապետությունից կատարում պահանջելու ավանդատուի իրավունքը համարվում է ծագած այն ամսում, որի վերաբերյալ «Հայաստանի Հանրապետության պետական բյուջեի մասին» Հայաստանի Հանրապետության օրենքով նախատեսված է սույն կարգով նախատեսված փոխհատուցումների վճարման ծախսային ծրագիր, և տվյալ ավանդատուն ընդգրկված է տվյալ ամսվա վճարման ցուցակներում:

22. Ավանդատուի՝ Հայաստանի Հանրապետության նկատմամբ փոխհատուցում ստանալու գույքային իրավունքը համարվում է դադարած կատարմամբ՝ վճարմամբ, կամ ավանդատուի մահով:

IV. ՎՃԱՐՈՒՄՆԵՐԻ ԻՐԱԿԱՆԱՑՈՒՄԸ

23. Սույն կարգի համաձայն հաշվառված ավանդատուների փոխհատուցման վճարումներն իրականացվում են՝

1) ամսական պարբերականությամբ.

2) Հայաստանի Հանրապետության պետական բյուջեով ավանդների փոխհատուցման վճարման համար նախատեսված ֆինանսական միջոցների եռամսյակային համամասնություններին համապատասխան.

3) սույն կարգի 14-րդ կետով ձևավորված հաշվառման հերթական համարին համապատասխան՝

ա. զոհվածների ժառանգների ավանդների փոխհատուցման վճարման դեպքում արտահերթ.

բ. Հայաստանի Հանրապետության պաշտպանության մարտական գործողությունների մասնակից և սահմանամերձ համայնքներում հաշվառված անձանց ավանդի դիմաց փոխհատուցման համար նախատեսելով տվյալ ամսվա վճարման համար (սույն ենթակետի «ա» պարբերությամբ սահմանված ֆինանսական միջոցները նախատեսելուց հետո) մնացած ֆինանսական միջոցների մինչև 50 տոկոսը, որի մինչև 10 տոկոսը՝ Հայաստանի Հանրապետության պաշտպանության մարտական գործողությունների մասնակից անձանց ավանդի դիմաց փոխհատուցելու համար:

24. Փոխհատուցման վճարման ցուցակները ձևավորում և տպում է կազմակերպությունը՝ տարածքային կենտրոնների տրամադրած ամենամյա տեղեկատվության հիման վրա՝ համաձայն N 2 ձևի:

25. Ավանդատուի տվյալները փոխհատուցման վճարման ցուցակում ներառելուց հետո ավանդատուի կողմից փոխհատուցումը 3 ամիս անընդմեջ չստանալու դեպքում նրա անոնը փոխհատուցման վճարման ցուցակում չի ներառվում:

26. Ավանդատուի տվյալները փոխհատուցման վճարման ցուցակում չեն ներառվում, եթե նրա տվյալները կրկնակի են հաշվառված տեղեկատվական բազայում:

27. Սույն կարգի 25-րդ և 26-րդ կետերով սահմանված գործառույթները կատարվում են կենտրոնական տեղեկատվական բազայում՝ ծրագրային եղանակով:

28. Սույն կարգի 25-րդ կետով նախատեսված դեպքում նշանակված, սակայն ավանդատուի չստացած փոխհատուցումն ավանդատուին վճարվում է ավանդատուի դիմելու ամսվան հաջորդող ամսվա ընթացքում, իսկ սույն կարգի 26-րդ կետով նախատեսված

դեպքում կրկնակի հաշվառման պատճառների վերացման և ավանդատոի փոխհատուցման իրավունքի պահպանման դեպքում տվյալ ամսվան հաջորդող ամսվա ընթացքում:

29. Եթե ավանդատոն մահացել է իր տվյալները փոխհատուցման վճարման ցուցակում ներառվելուց հետո, ապա մահացած ավանդատուին հասանելիք փոխհատուցման գումարը վճարվում է նրա ժառանգին (ժառանգներին)՝ նոտարի կողմից տրված ժառանգության իրավունքի վկայագրի հիման վրա: Վճարման ցուցակում ներառվում են ժառանգի (ժառանգների) տվյալները:

30. Տարածքային կենտրոնը կազմակերպությունից վճարման ցուցակները և տիտղոսաթերթերը (N 3 ձև) ստանալուց հետո մեկ աշխատանքային օրվա ընթացքում հաստատում և հանձնում է «Պետական նպաստների մասին» Հայաստանի Հանրապետության օրենքի 8-րդ հոդվածի 1-ին մասով սահմանված վճարող կազմակերպություն (այսուհետ՝ վճարող կազմակերպություն):

31. Տիտղոսաթերթի գլխամասում նշվում են տարածքային կենտրոնի, վճարող կազմակերպության և բնակավայրի անվանումը, ցուցակը կազմելու ամսաթիվը, վճարման ամիսը, ցուցակում ընդգրկված փոխհատուցում ստացողների թիվը, էջերի թիվը, վճարման ենթակա գումարը:

32. Տիտղոսաթերթի վերջում նշվում են տարածքային կենտրոնի դեկավարի և վճարող կազմակերպության պատասխանատու աշխատողի տվյալները:

33. Տարածքային կենտրոնում դեկավարի կողմից վճարման ցուցակների հանձնումը կատարվում է վճարող կազմակերպության լիազորած անձին, ովքեր ստորագրում են տիտղոսաթերթի երկու օրինակներում, որոնցից մեկը մնում է տարածքային կենտրոնում, մյուսը՝ վճարող կազմակերպությունում:

34. Վճարման ցուցակների էջերը համարակալվում են:

35. Վճարման ցուցակի յուրաքանչյուր էջի գլխամասում նշվում է տարեթիվը, ամիսը, վճարման ցուցակի ձևավորման օրը, ամիսը, տարեթիվը, տարածքային կենտրոնի, բնակավայրի անվանումը և վճարող կազմակերպության անվանումը, համարը:

36. Վճարման ցուցակը բաղկացած է վճարման մասից և ռեեստրից:

37. Վճարման ցուցակի յուրաքանչյուր էջի վերջում նշվում են այդ էջում գրանցված փոխառություն ստացողների թիվը, վճարման ենթակա փոխառությունների չափը և տարածքային կենտրոնի դեկավարի ու տեղեկատվական բազայի պատասխանատու աշխատողի ստորագրությունների տեղը:

38. Վճարման ցուցակի վերջում նշվում են սույն կարգի 37-րդ կետով սահմանված տեղեկությունների ամփոփ տվյալները:

39. Վճարող կազմակերպությունը վճարումն ավարտելուց հետո երեք օրացուցային օրվա ընթացքում տարածքային կենտրոնին է հանձնում լրացված ռեեստրները, փոխադարձ հաշվետվության ակտը՝ 5 օրինակից՝ համաձայն N 4 ձևի: Հաշվետվության ակտի 2 օրինակը վերադարձվում է վճարող կազմակերպությանը՝ 2 օրվա ընթացքում:

40. Տարածքային կենտրոնը յուրաքանչյուր ամսվա վճարման ավարտից հետո 6 օրվա ընթացքում Հայաստանի Հանրապետության աշխատանքի և սոցիալական հարցերի նախարարություն (այսուհետ՝ նախարարություն) կամ համապատասխան մարզպետարանի կամ Երևանի քաղաքապետարանի կամ Գյումրու կամ Վանաձորի, Արարատի կամ Շերմուկի քաղաքային համայնքների դեկավարների աշխատակազմ է ներկայացնում փոխադարձ հաշվետվության ակտի մեկ օրինակը:

41. Ոչ ավանդատուի մեղքով չստացած փոխառությունները ներառվում են վճարման ցուցակ՝ մինչև յուրաքանչյուր ամսվա 8-ը նախարարություն ներկայացված տեղեկատվության հիման վրա՝ համաձայն N 5 ձևի:

42. Նախարարությունում սույն կարգի 41-րդ կետով ներկայացված տեղեկատվության ուսումնասիրությունից հետո համապատասխան փոփոխություններ են կատարվում տեղեկատվական բազայում:

43. Տարածքային կենտրոնը նախարարություն է ներկայացնում բյուջեի կատարման վերաբերյալ Հայաստանի Հանրապետության օրենսդրությամբ պահանջվող հաշվետվությունները՝ տվյալ ծախսային ծրագրի մասով:

ՀԱ Ն 1

Կ Ա Ր Գ Ա Դ Ր ՈՒ Թ Յ Ց ՈՒ Ն

Ավանդատու _____
(անունը, հայրանունը, ազգանունը)

(բնակության վայրը)

Գործ N _____,

Ճանաչել ավանդի փոխհատուցման իրավունքը ցմահ:

Նշանակել ավանդի փոխհատուցում _____ դրամի չափով:

Սպասարկող մասնագետ _____
(ստորագրությունը) _____ (ազգանունը, անունը, հայրանունը)

Տարածքային կենտրոնի դեկավար _____
(ստորագրությունը) _____ (ազգանունը, անունը, հայրանունը)

Կ. Տ.

_____ 20 թ.

_____.20_p

ՑՈՒՑԱԿ

բնակավայրի

անվանումը

ԱՎԱՆԴԻ ՓՈԽՀԱՏՈՒՑՄԱՆ ՎՃԱՐՄԱՆ

ԸՆԴԱՄԵՆԸ 4 ԷԶ, ԷԶ 1

Qu N 2

—. —. 20 pa

ԱՆԴԻ ՓՈԽՀԱՏՈՒՑՈՒՄ

ՏԱՐԱԾՔԱՅԻՆ ԿԵՆՏՐՈՆԻ

ԵՎ ՆԱԽՈՐԴ ԱՄԻՍՆԵՐԻ

001 Վճարող/մասնաճյուղ

ԵՆԴԱՄԵՆԸ 4 Էջ, Էջ 1

Եղում ինդամենը

ԲԱՏԱՆԻՔ

դրամ

Հնդամենոր վճարվել է

ԻՆՍՏԱՆԻՔ

դրամ

45

Qun

پیشگفتار

դրամ

ՏԱՐԱԾՔԱՅԻՆ ԿԵՆՏՐՈՆԻ
ՂԵԿԱՎԱՐ _____
ՊԱՏԱՍԽԱՆԱՏՈՒ ԱՇԽԱՏՈՂ _____

ՏԻՏՈՒՄԱԹԵՐԹ

Օրինակ -----ի
Վճարող կենտրոն
Վճարման ցուցակ
Ավանդատուների թիվը

Տարածքային կենտրոն
թիվ
Անցողիկ և Հուսվար

22.01.2014թ.

Էջերի թիվը
Անցողիկ գումար

(ամիսը)

N	Էջի Ավանդատուների թիվը	Անցողիկ	ՀՈՒՍՎԱՐ
1.			
2.			
3.			
4.			

Հանձնեցի
Տարածքային կենտրոնի ղեկավար
Վճարող կազմակերպության
ղեկավար

Կ. Տ.
«_____» 20 թ.

Կ. Տ.
«_____» 20 թ.

ՓՈԽԱԴԱՐՁԱԿԵՏՎՈՒԹՅԱՆ ԱԿՏ

----- վճարող կազմակերպության ----- և սոցիալական
աջակցության ----- տարածքային կենտրոնի միջև ----- ամսվա
ավանդների փոխհատուցման գումարների փոխհաշվարկի մասին

		Ամսաթիվը	Ավանդի փոխհատուցումը
պարտք վճարումից առաջ	վճարող կազմակերպությունը տարածքային կենտրոնին		
	տարածքային կենտրոնը վճարող կազմակերպությանը		
Ֆինանսավորվել է Այդ թվում՝			
1.			
2.			
Հետզանձում			
Վճարում (սկիզբ-վերջ)			
Այդ թվում՝			
1. Ամսվա վերջ			
2. Ամսվա սկիզբ			
Հետ վերադարձ			
պարտք վճարումից հետո	վճարող կազմակերպությունը տարածքային կենտրոնին		
	տարածքային կենտրոնը վճարող կազմակերպությանը		

Պարտքի գումարը նշել բառերով՝ -----

Վճարող կազմակերպության ղեկավար՝ _____	Տարածքային կենտրոնի ղեկավար՝ _____
Հաշվապահ՝ _____	Պատասխանատու աշխատող՝ _____
Կ. S.	Կ. S.

20 թ.

20 թ.

ՏԵՂԵԿԱՏՎՈՒԹՅՈՒՆ

Սոցիալական աջակցության _____ տարածքային կենտրոնի
կողմից 20 թ. _____ ամսվա՝ չստացած
ավանդի փոխհատուցման գումարի վերականգնման

ՀՀ ը/կ		Ավանդի փոխհատուցումը	
		ավանդատուների թիվը	գումարի չափը
1.	Դատարանի որոշում		
2.	Հարգելի պատճառով չստացած		
3.	Նոտարի կողմից տրամադրված՝ մահացած ավանդա- տուի փոխհատուցման գումարի ժառանգության իրավունքի վկայագրի հիման վրա		
4.	Նոտարի կողմից տրամադրված՝ Հայաստանի Հանրապետության պաշտպանության ընթացքում գոհվածի անունով մինչև 1993 թվականի հունիսի 10-ը ներդրված ավանդը ժառանգության իրավունքի վկա- յագրի հիման վրա		
	Ըստամենք		

Տարածքային կենտրոնի ղեկավար՝ _____ 20 թ.
(անունը, ազգանունը ստորագրությունը)

Կ. Տ.

ՀՀ աշխատանքի և սոցիալական հարցերի նախարարության
աշխատող՝ _____ 20 թ.
(անունը, ազգանունը) (ստորագրությունը)

Տեղեկատվավերլուծական կենտրոնի աշխատող՝ _____ 20 թ.
(անունը, ազգանունը) (ստորագրությունը) »:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Վ. ԱՏԵՓԱՆՅԱՆ